
НАВОБОД МАҲАЛЛАСИДА ҚУРИЛГАН ЯНГИ УЙ-ЖОЙЛАР ЎЗ ЭГАЛАРИНИ КУТМОҚДА

Чашма ва Девайрон маҳалла фуқаролар йиғинлари ҳудудида қуриб, фойдаланишга топширилган янги кўп қаватли уй-жойлар бугун ўша ҳудуд кўркига янги чирой қўшмоқда десак, муболаға эмас. Туманимизда бундай кўп қаватли уй-жойлардан яна тўрттаси фойдаланишга топшириш арафасида.

Ўзбекистон Республикаси Президентининг 4798-сонли қарори асосида туманимизнинг Навобод маҳалла фуқаролар йиғини ҳудудига 4 донa 5 қаватли 120 хонадонли уй қурилиши режалаштирилган бўлиб, айна кунда ушбу уйларда охириги ишлар олиб борилмоқда. Туман ҳокими ўринбосари Содиқжон Мурзоевнинг сўзларига кўра, бугун ушбу хонадонларга табиий газ қувурлари тортиш ишлари олиб борилмоқда.

- Барча коммуникация тармоқларини жойига қўйиш ишлари яқин кунларда охирига етказилади. Уйларни ўз эгаларига топшириш сентябрь ойининг охириги декадасига режалаштирилган, - дейди ҳоким ўринбосари.

Қурилган барча уй-жойлар учун давлатимиз хазинасидан 20 миллиард 186 миллион сўм маблағ йўналтирилган. Қурилиш ишлари туманимизнинг "Хушбахти Сўҳробзод" МЧЖ, "Арслон Экспресс" МЧЖ, "Соҳтмончи моҳири Сўхзамин" МЧЖ ва "Гузари омади Лазина" МЧЖ томонидан амалга оширилди.

Маълумот учун: туман буйича 2021 йил ҳисобига 24 та 110 миллиард сўмлик ижтимоий соҳа объектларда реконструкция қилиш, мукамал таъмирлаш ва янги қурилиш ишлари ҳамда 36 миллиард сўмлик 7 та 4-5 қаватли уй-жойлар қуриш ишлари олиб борилмоқда.

Сўх тумани ҳокимлиги Ахборот хизмати

[Бизни ижтимоий тармоқларда кузатинг Facebook | Telegram | Telegram murojaat | Youtube | Instagram](#)

2022-09-14 15:22:34